



2023-yil
1-aprel
shanba
№ 40 (4792)

Ishonch

Yurt taraqqiyoti yo'lida birlashaylik!

O'zbekiston kasaba uyushmalari Federatsiyasi nashri • Gazeta 1991-yil 21-martdan chiqa boshlagan

Кун нафаси

Оролбўйида улкан ўзгаришлар амалга оширилади

Президентимиз Шавкат Мирзиёев ҳудудлар ривож ва аҳоли ҳаёти билан танишиш мақсадида 30 март куни Қорақалпоғистон Республикасида бўлди.

Хоразм вилоятини ривожлантириш бўйича устувор вазифалар белгиланди

Ургач шаҳрида 31 март куни халқ депутатлари Хоразм вилояти кенгашининг навбатдан ташқари сессияси бўлиб ўтди.

Унда Ўзбекистон Республикаси Президенти Шавкат Мирзиёев иштирок этиб, нутқ сўзлади. Сессияда ташкилий масала кўрилди.

Давлатимиз раҳбари Хоразм вилояти ҳокими лавозимига Жўрабек Раҳимов номзодини тавсия этди. Ташкилий масала овозга кўйилди. Унинг натижаларига кўра, Жўрабек Раҳимов Хоразм вилоятининг ҳокими этиб тасдиқланди.

Сенат раиси Сирдарёда учрашувлар ўтказди

Олий Мажлис Сенати раиси Танзила Норбоева Сирдарё вилоятининг бир қатор шаҳар ва туманларида бўлиб, маҳаллий Кенгаш депутатлари, маҳалла раислари, хотин-қизлар фаоллари, тадбиркорлар, аҳоли вакиллари ҳамда талаба ёшлар билан учрашди.

Мулоқотлар давомида сўнгги йилларда республикада амалга оширилган ислохотлар, йирик ижобий ўзгаришлар, инсон қадрини улғайтириш, инсон жамият ва давлат тамойилига ўтилгани, ёшлар ва хотин-қизларга яратилаётган шарт-шароитлар, нуруний онахон ва ота-хонларга берилган эътибор, айниқса, ушбу жараёнларнинг ҳуқуқий асосларини яратиши, мавжудларини такомиллаштириш борасидаги ишларга, хусусан, янги таҳрирдаги Конституция нормаларининг мазмун-моҳиятига тўхталиб ўтилди.



Дахлдорлик

ЭЛИМИЗНИНГ УЛУФ ҚАДРИЯТИ ЯНГИЛАНАЁТГАН ҚОМУСИМИЗДА ЎЗ ИФОДАСИНИ ТОПМОҚДА

Янгилаётган Конституцияда ўқитувчининг меҳнати жамият ва давлатни ривожлантириш, баркамол авлодни шакллантириш ҳамда тарбиялаш, халқнинг маънавий-маданий салоҳиятини сақлаш ва бойитиш асоси сифатида эътироф этилган. Конституцияда ўқитувчиларга оид модда киритилмоқда ва бунини жамиятда ушбу касб эгаларига нисбатан йиллар давомида шаклланди муносабатни муҳим ижобий томонга ўзгартириш йўлида ташланган қадам, дея баҳолаш мумкин. Чунки таълим сифати ва мамлакат раванқи миллатнинг келажаги бўлмиш ўқитувчиларни қай даражада қадрланганига боғлиқ.

Янгилаётган Конституциянинг 52-моддасига киритилган ўзгаришлар ўқитувчининг қадри-қимматини мустақамлашга хизмат қилади. Шунингдек, давлат органлари ва бошқа ташкилотлар томонидан педагогларнинг шаъни камситилишига, уларни мажбурий меҳнатга жалб этишга, таълим-тарбия жараёнига тўсқинлик қилишнинг ҳар қандай шакллари ҳамда ўқитувчиларнинг ҳақ-ҳуқуқлари бузилишига йўл қўймаслик бўйича қонун ҳужжатларида назарда тутилган чораларни кўришга ҳам хизмат қилади.

Конституцияда киритилган ўзгаришлар ўқитувчиларни ижтимоий қўллаб-қувватлаш, касбий фаолиятни амалга ошириш, ижтимоий мақом ва обрўсини ошириш учун ташкилий ҳамда ҳуқуқий шарт-шароитлар яратади. Шунингдек, янги тизим ўқитувчилик касбини нафақат молиявий, балки интеллектуал жиҳатдан ҳам жозибдор қилишга асос бўлади. Бу эса ўқитувчиларнинг меҳнатини муносиб рағбатлантириш учун барча куч ва ресурслар сафарбар этилишини аниқлатади.

Таъкидлаш жоизки, ўқитувчилик мақоми-нинг Конституцияда мустақамланиши халқаро стандартларни жамиятга татбиқ этиш демакдир. Хусусан, ЮНЕСКОнинг 1966 йил 5 июлдаги «Ўқитувчилар мақоми тўғрисида»ги тавсиясининг 7-бандида педагогнинг эркинлик принципи мустақамланган. Мазкур нормага ўхшаш қоидалар Германия, Португалия, Уругвай, Эквадор, Миср конституцияларида ҳам белгилаб қўйилган.

Мамлакатимизда фаолият юритаётган 685 минг нафардан ортиқ ўқитувчининг давлат томонидан ижтимоий-моддий қўллаб-қувватланиши ҳамда уларнинг жамиятдаги ижтимоий мақоми ва обрўси янада оширилиши яқин йилларда ўз мевасини беражак.

Малоҳат САИПОВА,
Жамоат ҳафсизлиги университети кафедра доценти, психология фанлари бўйича фалсафа доктори (PhD)

«ОКЕАН»НИНГ 20 НАФАР СПОРТЧИСИ 14 ТА «ОЛТИН»ГА ЭГА БЎЛДИ

Ургач шаҳрида 11-15 ёшлар ўртасида сув спорти бўйича ўтказилган Ўзбекистон чемпионатида Наманган вилояти терма жамоаси фаол иштирок этиб, совриндор бўлди.

Вилоят сув спортига ихтисослаштрилган спорт мактаби ҳамда Ўзбекистон касба уюшмалари Федерациясига қарашли «Океан» сув спорти саройи ихтисослаштирилган спорт муассасасидан саралаб олинган жами 20 нафар спортчи ушбу мусобақаларда бор маҳоратларини ишга солиб, умумжамоа ҳисобида 14 та олтин медални қўлга киритишди.

– Бу ғалаба ёш сузувчиларимизнинг ўз устида тинимсиз шуғулланиши самарасидир, – дейди «Океан» сув спорти саройи директори Расулжон Низамбаев. – Жамоа аъзоси Муҳаммадамин Раҳматуллаев мусобақада шахсий иштирок бўйича 3 та олтин, 1 та кумуш медални қўлга киритган бўлса, жамоавий ҳисобда 2 та олтин, 1 та кумуш медалга эгалик қилди. Натижада у ўз ёш тоифасида Ўзбекистон терма жамоаси аъзоллигига қабул қилинди. Спортчиларимиздан яна бири – «Океан» сув спорти саройи аъзоси Самира Саидова шахсий иштирокда 4 та олтин, 1 та кумуш, жамоавий ҳисобда эса 1 та олтин медални қўлга киритиб, ўз ёш тоифасида «Энг яхши сузувчи» номинацияси бўйича ғолибга айланди.

Ўзбекистон касба уюшмалари Федерацияси Наманган вилояти кенгашида сув спорти бўйича чемпионларни тақдирлаш маросими ўтказилди. Унда совриндорларга ташкилотчиларнинг дипломи ва эсдалик совғалари топширилди.

Орзуғул РУСТАМОВА
«ISHONCH»

«Ишонч»га жавоб берадилар...

«ШИФЕР МАШМАСИ» назоратга олинди

«Ишонч» газетасининг 2023 йил 14 мартдаги сониди «Шифер машмаси» сарлавҳали мақола чоп этилиб, унда Тўртқўл тумани «Туркистон» маҳалласида истиқомат қилувчи Рўзигул Авезованинг уйини таъмирлаш (томни шиферлаш) борасидаги мурожаати ҳақида гап борган эди.

Мақолага Қорақалпоғистон Республикаси Вазирлар Кенгашидан куйидаги мазмунда жавоб хати келди:

Ушбу масала мутасадди вазирлик ва идоралар ҳамда туман ҳокимлиги билан ҳамкорликда ўрганилди.

Ўзбекистон Республикаси Вазирлар Маҳкамасининг 2023 йил 2 февралдаги 52-сонли қарорига мувофиқ Тўртқўл туманида жами 2521 та уй-жойнинг том қисмини таъмирлаш ва қайтадан қуриш ишларини олиб бориш режалаштирилган. Мазкур ишларга Республика бюджетидан 36,8 миллиард сўм маблағ ажратилиши белгиланган.

Бугунги кунда қайтадан қуриш ва том қисмини таъмирлаш ишлари олиб бориладиган уй-жойларнинг манзилли рўйхати ишлаб чиқилиб, туман ҳокимлиги томонидан тасдиқланган.

Ҳозирги вақтда Қорақалпоғистон Республикаси Вазирлар Кенгашининг «Ягона буюртмачи хизмати» ИК ДУК томонидан уй-жойларнинг лойиҳаолди ва лойиҳа-смета ҳужжатлари ишлаб чиқилмоқда.

Шунингдек, мазкур ишлар Қорақалпоғистон Республикаси Вазирлар Кенгаши томонидан назоратга олинганлигини маълум қиламиз.

Қорақалпоғистон Республикаси Вазирлар Кенгаши раиси ўринбосари Е.Аташов

◆ Пенсия ва нафақалар миқдори 7 фоизга оширилади;

◆ Тошкентда жамоат транспортидан фойдаланиш тарифлари ўзгаради;

◆ Стажи 25 йилдан ошган педагоглар мажбурий аттестацияга жалб этилмайди;

◆ Пенсия олувчилар метродан бепул фойдаланади;

◆ Халқ бўлган ҳарбийларнинг оила аъзоларига бирйўла берилган нафақа миқдори ҳарбий хизматчи маошининг 150 баравари миқдориди белгиланади;

◆ Тошкент ва Нукусда ҳамда вилоятлар ва туманлар марказларида транспорт воситалари ҳаракат тезлиги соатига 60 км.гача туширилади;

◆ Кўп квартирали уйларнинг нотура қаватларида янги боғчалар очилгача рұхсат этилади;

◆ Лицей, техникум педагогларининг базавий тариф ставкалари мактаб ўқитувчилариникига тенглаштирилади;

◆ Умумий қуввати 100 кВтгача бўлган қайта тикланувчи энергия манбалари қурилмаларини ўрнатган шахсларга солиқ имтиёзлари берилади;

◆ Пахта ва ғалла фермер хўжалиқларига ишчилари маошидан тўланган даромад солигини қайтариш бошланади.

